



## O'ZBEKISTON RESPUBLIKASI PREZIDENTINING QARORI

2020 yil «2» сентябрь

№ПҚ-4817

### Ўзбекистон Республикаси Пиллачилик ва қоракўлчиликни ривожлантириш қўмитаси фаолиятини ташкил этиш тўғрисида

Ўзбекистон Республикаси Пиллачилик ва қоракўлчиликни ривожлантириш қўмитаси фаолиятини самарали ташкил этиш мақсадида, шунингдек, Ўзбекистон Республикаси Президентининг 2020 йил 2 сентябрдаги “Ўзбекистон Республикасида пиллачилик ва қоракўлчиликни янада ривожлантириш чора-тадбирлари тўғрисида”ги ПФ-6059-сон Фармонига мувофиқ:

#### 1. Қуйидагилар:

Ўзбекистон Республикаси Пиллачилик ва қоракўлчиликни ривожлантириш қўмитасининг ташкилий тузилмаси 1-иловага мувофиқ;

Ўзбекистон Республикаси Пиллачилик ва қоракўлчиликни ривожлантириш қўмитаси марказий аппаратининг тузилмаси 2-иловага мувофиқ;

Ўзбекистон Республикаси Пиллачилик ва қоракўлчиликни ривожлантириш қўмитаси ҳудудий бошқармаларининг намунавий тузилмаси 3-иловага мувофиқ;

Ипакчилик илмий-тадқиқот институти, Қоракўлчилик ва чўл экологияси илмий-тадқиқот институти ва Бухоро чўл яйлов озуқабоп ўсимликлар уруғчилиги илмий-ишлаб чиқариш марказининг тузилмаси 4-6-иловаларга мувофиқ тасдиқлансин.

2. Ўзбекистон Республикаси Пиллачилик ва қоракўлчиликни ривожлантириш қўмитаси (кейинги ўринларда – Кўмита) бошқарув ходимларининг чекланган сони 51 нафар, шу жумладан марказий аппаратида – 15 нафар этиб белгилансин.

Белгилансинки, Кўмита ва унинг худудий бошқармаларининг штат бирликлари Қишлоқ хўжалиги вазирлиги тизимининг 30 нафар, Ипакчилик илмий тадқиқот институтининг – 15 нафар, Қоракўлчилик ва чўл экологияси илмий-тадқиқот институтининг – 20 нафар, Бухоро чўл яйлов озуқабоп ўсимликлар уруғчилиги илмий-ишлаб чиқариш марказининг – 23 нафар штат бирликларини қисқартириш ҳисобига шакллантирилади.

3. Кўмита раисига қўйидаги ҳуқуқлар берилсин:

зарур ҳолларда, Кўмита марказий аппаратининг тасдиқланган тузилмасига ўзгартиришлар киритиш;

Кўмита худудий бошқармаларининг тузилмасини тасдиқлаш;

Кўмитанинг худудий бошқармалари бошқарув ходимларининг чекланган сонини умумий белгиланган штат бирликлари доирасида тасдиқлаш;

Кўмитанинг бюджетдан ташқари маблағлари ҳисобидан Кўмитанинг бошқарув ходимлари мутахассисларининг қўшимча штат бирликларини киритиш;

маҳаллий ва хорижий малакали мутахассисларни ходим ва маслаҳатчилар сифатида жалб қилиш, ва уларга, истисно тариқасида, иш ҳақи ва бошқа тўловлар миқдорини Кўмитанинг бюджетдан ташқари маблағлари ҳисобидан белгилаш;

Кўмитанинг бюджетдан ташқари маблағлари ҳисобидан Кўмита ходимларининг асосий эгаллаб турган лавозимига кўра лавозим маошлари (тариф ставкалари)га, қонун ҳужжатларида назарда тутилган бошқа тўловлардан қатъи назар, устама ва бошқа рағбатлантирувчи тўловларни белгилаш;

Кўмита зиммасига юқлатилган вазифаларни амалга ошириш учун шартнома асосида жалб қилинадиган малакали хорижий мутахассислар меҳнатига ҳақ тўлаш миқдорини халқаро амалиёт ва бозор шароитларидан келиб чиқсан ҳолда белгилаш.

4. Белгилансинки, Кўмита, унинг таркибий ва худудий бўлинмалари фаолиятини молиялаштириш ва моддий-техник жиҳатдан таъминлаш Ўзбекистон Республикаси Давлат бюджети маблағлари ва қонунчиликда тақиқланмаган бошқа манбалар ҳисобидан амалга оширилади.

## 5. Белгилаб қўйилсинки:

Қўмита раиси ва унинг ўринбосарлари Ўзбекистон Республикаси  
Бош вазирининг тақдимномасига биноан Ўзбекистон Республикаси  
Президенти томонидан лавозимга тайинланади ва лавозимдан озод  
этилади;

Қорақалпоғистон Республикаси пиллачилик ва қоракўлчиликни  
ривожлантириш бошқармаси бошлиғи Қўмита билан келишилган  
ҳолда Қорақалпоғистон Республикаси Жўқорғи Кенгеси томонидан  
лавозимга тайинланади ва лавозимдан озод этилади;

Қўмитанинг ҳудудий бошқармалари бошлиқлари, шунингдек,  
Қоракўлчилик ва чўл экологияси илмий-тадқиқот институти,  
Ипакчилик илмий-тадқиқот институти ва Бухоро чўл яйлов озуқабоп  
ўсимликлар уруғчилиги илмий-ишлаб чиқариш марказининг  
директорлари Қўмита раиси томонидан лавозимга тайинланади  
ва лавозимдан озод этилади;

Қоракўлчилик ва чўл экологияси илмий-тадқиқот институти  
ва Ипакчилик илмий-тадқиқот институти директорлари тегишлича  
Республика “Қоракўлчилик” уюшмаси ва “Ўзбекипаксаноат” уюшмаси  
раисларининг илм-фан бўйича ўринбосарлари ҳисобланади.

## 6. Қўмита 2020 йил 1 октябрга қадар:

тармоқнинг саноат қайта ишлаб чиқаришини ва экспорт  
салоҳиятини ривожлантиришни ҳисобга олган ҳолда 2021–2022  
йилларда қоракўлчиликни ривожлантириш бўйича чора-тадбирлар  
комплексини Вазирлар Маҳкамасига тасдиқлаш учун киритсин;

Ўзбекистон Республикаси Пиллачилик ва қоракўлчиликни  
ривожлантириш қўмитаси тўғрисидаги низомни тасдиқлаш ҳақида  
қарор лойиҳасини Вазирлар Маҳкамасига киритсин;

“Ўзбекипаксаноат” уюшмаси билан биргаликда  
“Ўзбекипаксаноат” уюшмаси қошидаги Пиллачиликни  
ривожлантириш жамғармаси маблағларини шакллантириш ва ундан  
фойдаланиш тартиби тўғрисидаги низомни тасдиқлаш ҳақида  
хукумат қарори лойиҳасини Вазирлар Маҳкамасига киритсин.

7. Қўмита Тошкент шаҳри, Мирзо Улуғбек тумани, Исмоил ота  
кўчаси 1а-йй манзилига жойлаштирилсин.

8. Қорақалпоғистон Республикаси Вазирлар Кенгashi ва вилоятлар  
ҳокимлари Қўмитанинг ҳудудий бошқармаларини жойлаштириш  
учун зарур хоналар ажратиб, маҳаллий бюджет ҳисобидан уларнинг  
Интернет тармоғига уланишини ҳамда инвентарлар, мебель  
ва оргтехника билан жиҳозланишини таъминласин.

9. “Туронбанк” АТБ ва Республика “Қоракўлчилик” уюшмасининг қоракўлчилик кластерлари ва Республика “Қоракўлчилик” уюшмаси таркибига кирувчи тадбиркорлик субъектлари томонидан амалга ошириладиган инвестиция лойиҳаларини (кейинги ўринларда – инвестиция лойиҳалари) молиялаштириш бўйича таклифига розилик берилсин.

Республика “Қоракўлчилик” уюшмаси икки ой муддатда 2021–2022 йилларда амалга ошириладиган инвестиция лойиҳалари рўйхатини шакллантирсин.

10. Ўзбекистон Республикаси Президентининг айрим қарорларига 7-иловага мувофиқ ўзгартириш ва қўшимчалар киритилсин.

11. Кўмита бошқа манфаатдор вазирлик ва идоралар билан биргаликда бир ой муддатда қонун ҳужжатларига ушбу қарордан келиб чиқадиган ўзгартириш ва қўшимчалар тўғрисида таклиф киритсин.

12. Мазкур қарорнинг ижросини назорат қилиш Ўзбекистон Республикаси Бош вазирининг ўринбосари У.И.Барноев зиммасига юклансин.

Ўзбекистон Республикаси  
Президенти

Тошкент шаҳри




Ш. Мирзиёев

## Ўзбекистон Республикаси Пиллачилик ва қоракўлчиликни ривожлантириш қўмитасининг ТАШКИЛИЙ ТУЗИЛМАСИ




Ўзбекистон Республикаси Пиллачилик ва қоракўлчиликни ривожлантириш қўмитаси ва унинг  
худудий бошқармалари бошқарув ходимларининг умумий чекланган сони – 51 нафар,  
шулардан: марказий аппарат – 15 нафар, худудий бошқармалар – 36 нафар

**Ўзбекистон Республикаси Пиллачилик ва қоракўлчиликни ривожлантириш  
қўмитаси марказий аппаратининг  
ТУЗИЛМАСИ**



Бошқарув ходимларининг сони – 15 штат бирлик,  
Ёрдамчи ва техник ходимлар сони белгиланган меъёrlарга мувофиқ белгиланади.


**Ўзбекистон Республикаси Пиллачилик ва қоракўлчиликни ривожлантириш  
кўмитаси худудий бошқармаларининг  
НАМУНАВИЙ ТУЗИЛМАСИ**



\*Изоҳ:

Худудий бошқармалардаги мутахассисларнинг штат бирликлари:  
Қорақалпоғистон Республикаси ва Бухоро, Қашқадарё, Навоий, Самарқанд вилоятлари – 3 нафар;  
Сурхондарё, Жиззах, Андижон, Наманган, Сирдарё, Тошкент, Фарғона ва Хоразм вилоятлари – 1 нафар

## Ипакчилик илмий-тадқиқот институтининг ТУЗИЛМАСИ



Бошқарув ходимларининг умумий чекланган сони – 37 нафар, шу жумладан:

бошқарув ходимлари – 6 нафар;


илмий ходимлар – 14 нафар;

лаборантлар ва экспериментал тажриба хўжалиги ходимлари – 17 нафар.

Ёрдамчи ва техник ходимлар сони белгиланган меъёрларга мувофиқ аниqlанади.

Илмий-техник лойиҳаларни амалга ошириш учун шартнома асосида мутахассислар ва илмий ходимлар жалб қилиниши мумкин.

## Қоракўлчилик ва чўл экологияси илмий-тадқиқот институтининг ТУЗИЛМАСИ




Бошқарув ходимларининг умумий чекланган сони – 38 нафар.

Ёрдамчи ва техник ходимлар сони белгиланган меъёрларга мувофиқ аниқланади.

Илмий-техник лойиҳаларни амалга ошириш учун шартнома асосида мутахассислар ва илмий ходимлар жалб қилиниши мумкин.

## Бухоро чўл яйлов озуқабоп ўсимликлар уруғчилиги илмий-ишлаб чиқариш марказининг ТУЗИЛМАСИ



Бошқарув ходимларининг умумий чекланган сони — 10 нафар.

Ёрдамчи ва техник ходимлар сони белгиланган меъёrlарга мувофиқ аниқланади.

Илмий-техник лойиҳаларни амалга ошириш учун шартнома асосида мутахассислар ва илмий ходимлар жалб қилиниши мумкин.

Ўзбекистон Республикаси Президентининг  
2020 йил 2 сентябрдаги ПҚ-4817-сон қарорига  
7-илова

## Ўзбекистон Республикаси Президентининг айрим қарорлариға киритилаётган ўзгартишилар

1. Ўзбекистон Республикаси Президентининг 2017 йил 16 мартағи “Чорвачиликда иқтисодий ислоҳотларни чуқурлаштиришга доир қўшимча чора-тадбирлари тўғрисида” ги ПҚ-2841-сон қарорида:

8-банд қўйидаги таҳрирда баён этилсин:

“Республика “Қоракўлчилик” уюшмаси бошқаруви раисига, зарурат туғилганда, ижро этувчи аппарат тузилмасига ўзгартишилар киритишга рухсат берилсин”;

9-банднинг иккинчи хатбошисидаги “маҳаллий давлат ҳокимияти органлари билан келишилган ҳолда” сўzlари чиқариб ташлансин;

5-7-иловалар ўз кучини йўқотган деб ҳисоблансин.

2. Ўзбекистон Республикаси Президентининг 2017 йил 29 мартағи “Ўзбекипаксаноат” уюшмаси фаолиятини ташкил этиш чора-тадбирлари тўғрисида” ги ПҚ-2856-сон қарори 2-иловаси “Раис ўринбосари – Ипакчилик илмий-тадқиқот институти директори” блоки билан тўлдирилсин.

3. Ўзбекистон Республикаси Президентининг 2018 йил 14 мартағи “Қоракўлчилик соҳасини жадал ривожлантириш чора-тадбирлари тўғрисида” ги ПҚ-3603-сон қарорининг 2-банди ҳамда 1 ва 2-иловалари ўз кучини йўқотган деб ҳисоблансин.

4. Ўзбекистон Республикаси Президентининг 2018 йил 20 мартағи “Пиллачилик тармоғини янада ривожлантириш бўйича қўшимча чора-тадбирлар тўғрисида” ги ПҚ-3616-сон қарорининг 3-банди ва 1-иловаси ўз кучини йўқотган деб ҳисоблансин.

5. Ўзбекистон Республикаси Президентининг 2019 йил 28 мартағи “Ўзбекистон Республикаси Ветеринария ва чорвачиликни ривожлантириш давлат қўмитаси фаолиятини ташкил этиш тўғрисида” ги ПҚ-4254-сон қарорида:

1-банднинг ўн саккизинчи хатбошисидаги “Қоракўлчилик ва чўл экологияси илмий-тадқиқот институти” сўзлари чиқариб ташлансин;

1-илованинг “Қоракўлчилик ва чўл экологияси илмий-тадқиқот институти” ва “Республика “Қоракўлчилик” уюшмаси\*” блоклари чиқариб ташлансин;

2-илованинг 11-позицияси чиқариб ташлансин;

21-илова ўз кучини йўқотган деб ҳисоблансин.

6. Ўзбекистон Республикаси Президентининг 2019 йил 16 авгуустдаги “Қоракўлчилик тармоғини комплекс ривожлантириш чора-тадбирлари тўғрисида”ги ПҚ-4420-сон қарорида:

8-банддаги “Халқ банки” АТБ” сўзлари “Турон банк” АТБ” сўзлари билан алмаштирилсин;

14-банд ўз кучини йўқотган деб ҳисоблансин;

15-банддан учинчи хатбоши чиқариб ташлансин.

